

重修直隸陝州志卷十一

武進龔崧林麀園編次

列女

人子之贊易也妻道臣道連類及之明乎從一而終與有死無二者其道同也顧偉然丈夫事詩書識義理而利害死生之際或見之不明守之不固尚不免貽譏千秋而巾幗柔姿乃能始終一心至死不悔可不謂難乎衛之共姜魯之敬姜聖人有取焉陝之節烈余得而忽視歟惜乎傳其所可知而不能傳其所不及知則九十

年中之湮沒者正不知幾何也志列女

陝州

晉

呂經妻張氏有操行年十四紹死卽請爲尼呂隆且而悅之欲穢其行張誓不受辱遂登樓自投於地

二脛俱折而死

弘農人

陝婦人不知姓字年十九劉曜時嫠居陝縣事叔姑甚謹其家欲嫁之此婦毀面自誓後叔姑病死其叔姑有女在夫家先從此婦乞假不得因而誣殺其母有司不能察而誅之時有群鳥悲鳴尸上其

聲甚哀盛夏暴尸十日不腐亦不爲蟲獸所敗其境乃經歲不雨曜遣呼延謨爲太守旣知其寃乃斬此女設少牢以祭其墓諡曰孝烈貞婦其日大雨

晉史

呂纂妻楊氏弘農人也美艷有義烈纂被呂超所殺楊氏與侍婢十數人殞纂於城西將出宮超慮齋珍物出外使人搜之楊氏厲聲責超曰爾兄弟不能和睦手刃相屠我旦夕死人何用金寶超慚而退又問楊氏玉璽何在楊氏怒曰盡毀之矣超將

妻之謂其父桓曰后若自殺禍及卿宗桓以告楊

氏楊氏曰大人本賣女與氏以圖富貴一之已甚

其可再乎乃自殺

晉史

元別娥陳某妻夫死不忍獨生遂死旌表其門

元史

明杜氏州民曰杞妻杞卒杜哀毀絕食遂自縊

王氏董安妻安卒時王年二十一爲安守節至八十

四終

閻氏楊鐸妻少遊郡庠因嗜學罹疾將革謂閻曰我
名不立而早逝含恨入地矣二子蘭莊汝其育而

韓之關張節終成夫志

李氏唐情妻情疾篤時李方少艾以死許之及平果
繼事聞得旌

王氏廩生任宏道妻舉人王文瑞女宏道素以文名
疾將革王以死誓曰夫若不諱妾雖生何益宏道
卒遂吞毒死州守聞而旌之

哲

崔氏辛哲妻登成化癸卯經魁未仕早逝家貧甚崔
年艾意欲殉葬以子幼日紡績訓之補郡廩生

顧氏弘農人大僕卿熊瓚妾瓚卒時遺子奎方四月

亡妾鄭氏出也顧自誓守節視猶已子劬勞萬狀
育堊成立

趙氏弘農李文妻文卒家甚窘遺子三俱襁褓中趙
艱辛鞠育終其身以節聞

許氏監生趙應奇妻靈寶許詩之女二十四歲夫亡
事繼姑以孝聞育幼子成立守節四十年蒙旌

申氏宋方妻方客死魯山申年三十撫孤成立伯讓
爲納婦生孫佳士婦尋亡復撫佳士補郡庠先後
拮据者五十餘年以壽終

崔氏郡學生衛良心妻甫二十夫亡

十年撫孤兒力學廩於庠

宋氏庠生張騰霄妻霄卒宋年二十五歲子而說
七齡家無立錐紡織爲生者四十餘年命訥從學
王惺所先生後廩於庠有司匾其門

郭氏譚貢妻貢亡郭甫二十矢志撫孤依母家紉針
操杼爲活以節終

趙氏王以恬妻夫逝時趙甫二十一歲舅姑垂老

子呱呱未立戚黨以年少諷之泣曰我非死之難

惟老幼無托之患躬紡織終事舅姑訓二子成立
有司奉恩詔署其門曰貞節

李氏指揮胡紹先妻年二十六歲喪夫守節五十餘
年無育遺孤不墜家聲詔封太淑人

王氏適劉應甲妻甫二十甲故遺幼女三俱撫育
適范嚴肅茹苦四十餘年按臺邱表其門

彭氏適李民樂妻年二十七喪夫遺二孤皆幼艱
辛教育二孤同時遊泮州守表其門

尚氏王試妻年十九夫卒時懷孕哀毀及生男毓

仰事俯育不厭糟糠者二十餘年旣納媳趙氏生
三子毓秀尋亡趙守節撫子如姑州守匾其門曰
一門雙節

辛氏王順乾妻年十七夫卒子用謀甫二歲辛飲食
不進者數日欲徇夫隣婦百爲勸解因毀容撫子
以節終

孫氏申命妻適命甫期命故遺腹生子又殤子立自
守紡績終其身蒙旌給粟布

蕭氏吏員張美妻夫卒年僅二十誓不再醮撫育三

子成立州守申請復其家時餽粟布年八十終

楊氏廩生王爾脩繼室于歸三載夫亡舅姑在堂三子甫離襁褓勵志代終仰事俯育其子後先執經郡博舅終歸壙事姑尤謹督學道任題旌有金石爲心冰霜凜節始終罔懈雅稱完人之語

尤四姐未適人被寇強擄上馬自投下泣罵不絕口賊怒殺之

潘氏王允升妻寄居溫湯砦被寇攻破潘携子逃奔被擄堅志不從罵賊死之

許氏郭名顯妻寇入城與衆婦攜六月嬰兒避城隍廟寇至要衆出許面壁不動寇要之再四殺之三日後夫得屍子猶活許色如生

吉氏宣文興妻明季寇亂

逆闖據潼

關爲清野計平關東砦堡吉砦將破男女奔竄吉勵聲曰勢至此不死必辱抱六歲幼女投井死

尚氏姊妹貢士構女一適王一適薛來寧父母值寇攻砦將破尚恐受辱姊妹相繼投深谷死

趙氏尚永昌妻寇攻砦破趙有女年十二先擁人井

隨以身繼之俱死

王氏李貞妻年十九孀居子四歲撫養成立尋故復撫二孫家貧績紡寒暑無間

楊氏霍霞妻夫故楊二十一歲舅姑垂老子女在襁褓氏勤於紡績送終育子四十餘年州守張匾曰苦節堪風

國朝

黃氏王居謙妻夫歿氏年二十一上事老姑下育弱子子又歿撫養嗣孫守節四十年雍正八年旌表

陳氏張鵷繼妻夫歿氏年二十二誓無他志撫孤子

成立守節四十七年雍正十年 旌表

劉氏孫貴庚妻夫歿氏年二十二家極貧事翁姑衣食無缺撫孤成立守節六十二年雍正十年 旌表

趙氏呂之端妻夫歿氏年二十二孝事舅姑撫育幼子守節四十一年雍正十年 旌表

張氏劉埰妻夫歿氏年二十一事翁姑撫幼子備嘗艱苦守節四十三年雍正十年 旌表

申氏李世榮妻夫歿氏年十九家貧茹苦事舅姑盡孝撫子成立守節四十四年雍正十年 旌表

嚴氏申鵬翼妻夫歿氏年二十二奉舅姑撫嗣子閱

歷愈苦志操彌堅守節四十二年雍正十年旌表

劉氏候補縣丞崔廣滋妻夫歿氏年二十奉事翁姑

克盡孝道撫遺孤成立貢入成均守節四十五年

雍正十二年旌表

張氏侯選州同王經言妻夫歿氏年十九事孀姑以

孝訓孤子成名守節四十五年雍正十二年旌表

葛氏賈文燦妻夫歿氏年十九家甚貧矢志撫孤守

節四十年雍正十二年旌表

衛氏郭岷妻夫歿氏年十六矢志靡他養親撫孤守

節五十一年雍正十二年旌表

蕭氏侯補州同崔拱辰妻貢生蕭聲雋女夫歿氏年

十九堅貞矢志訓子有成守節四十三年雍正十

二年旌表

薛氏盧克紹妻夫歿氏年二十孝養舅姑撫育孤子

守節四十一年雍正十二年旌表

成氏石得固妻夫歿氏年十八事姑盡孝撫遺孤成

立守節四十五年雍正十二年旌表

劉氏庠生韓溥妻夫歿氏年二十三孝事舅姑訓子
成立入黌序守節四十六年雍正十二年旌表

韓氏史曰瑚妻齊氏史曰璉妻曰瑚歿韓氏年二十
一曰璉歿齊氏年二十俱無子韓苦節四十六年
齊苦節四十四年雍正十二年請旌

劉氏王培寶妻夫歿氏年十九事老撫孤守節四十
六年雍正十二年請旌

張氏廩生唐京妻年二十一夫亡子士魁二歲氏紡
績奉姑教子力學廩於庠守節四十餘年雍正十